


बच्चियां ताई बाइबल  
पेस करदी ऐ

माणुये दे दुखां दी  
सुरुआत



Edward Hughes: दे जरिये लिखियो ऐ।

Byron Unger; Lazarus;  
Alastair Paterson: दे जरिये बणाई गई।

M. Maillot; Tammy S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children  
[www.M1914.org](http://www.M1914.org): दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां  
जो इसा काहणिया जो कोपी या परिंट करणे दी इज्जाजत ऐ।



परमात्मैँ सब कुच्छ बणाया।  
जाहलू परमात्मैँ पैहला माणु  
आदम बणाया, तां सैह अपणिया  
लाडिया हच्वा सौगी अदन दे  
बगीचे च रँहदा था।



सैह परमात्मे दे हुक्मां दा  
पालन करदे बगत कने इक्क दिन  
तिसदिया हजरिया दा आनंद लेंदे  
बगत बड़े खुस थे।



सर्पे हव्वा ते  
पुछ्या, “क्या  
परमात्ममें तुहां नै  
गलाया, कि सारे रूखां दा फल मत  
खांदे?” अपर तिन्नें जबाब दिता, “अहां  
सारे रूखां दे फल खाई सकदे हन,  
अपर इक्क रूख ऐ जे  
अहां तिसदा फल खांदे  
या छूंदे हन, तां अहां मरी  
जांगे।”




सर्प हस्सेया  
कने गलाया, “तुहां  
नीं मरगे।” “तुहां  
परमात्मे साइआं होई जांगे।”  
हव्वा तिस रूखे दे फले  
जो खाणा चांहदी थी।  
तिन्नीं सर्पे दी गल्ल  
मनी कने फल  
खाई लेआ।



हव्वा दे जरिये परमात्मे दे  
हुकमे जो तोड़णे दे बाद तिन्हीं  
आदमे जो भी फल खाणे ताई  
उकसाया। आदमे जो गलाणा  
चाइदा था, “नीं।  
मैं परमात्मे दे  
हुकमे जो  
नीं तोड़ी  
सकदा।”





जाहलू  
आदम

कने हव्वा पाप

कित्ता, तां सैह दोयो जाणदे थे

कि अहां नंगे हन। तिन्हां धूडे दे पतरां जो सी  
करी, अपणे आप्पे जो ढकी लेआ कने परमात्मे  
दे ओणे पर सैह झुडेयां पचांह लुक्की बैंदे थे।





संझा दे बगत परमात्मा बगीचे च आण्या।  
सैह जाणदा था कि आदमे कने हव्वा  
क्या कित्या था। आदमैं हव्वा जो  
दोसी ठैहराया। हव्वा सर्पे जो दोसी  
ठैहराया। परमात्मैं गलाया,  
“सर्प स्रापित ऐ।



बच्चे पैदा करणे पर जणासा जो पीडा  
हंगी।” “आदम, कजोकि तैं भी पाप  
कित्या ऐ, इसताई एह धरती भी  
सापित ऐ। तू मेहनत कने पसीना  
बहाई करी अप्पु ताई अनाज  
पैदा करगा।”



परमात्मैँ आदम कने हव्वा  
जो अदन दे बगीचे ते  
बाहर कड्डी दित्ता। कजोकि  
तिन्हां पाप कित्या था,  
सैह ज़िन्दगी दैणे  
आले परमात्मै  
ते दूर होई गे।





परमात्मैँ तिन्हां  
जो दूर रखणे तांई इक्क अग्गी  
साइआं चमकदार तलवार बणाई।  
परमात्मैँ आदम कने हच्वा  
तांई चमडे दे कपडे बणाये।  
परमात्मैँ खलडी  
कुत्थु ते लेई?



कुच्छ बगते बाद आदम कने हव्वा दे इक्क  
परवारे दा जन्म होएया। तिन्हां दा पैहल्ला  
पुत्तर कैन इक्क किसान था।  
तिन्हां दूया पुत्तर हाबिल इक्क  
चरवाहा था।




इक्क दिन कैन परमात्मे जो भेंट दैणे ताई कुच्छ  
सब्जियां लेई करी आया। हाबिल अपणियां  
खरियां भेड्डां च कुच्छ भेड्डां जो परमात्मे जो  
भेंट दैणे ताई लेई करी आया।

हाबिले दिया  
भेंटा ते  
परमात्मा  
खुस होया।



परमात्मा कैने दिया भेंटा ते खुस नीं होएया।  
कैने बड़ा गुस्सा होएया। अपर परमात्मैँ गलाया,  
“जे तूमी सँई कर जेहड़ा ठीक ऐ,  
तां क्या तेरी भेंट स्वीकार  
नीं कित्ती जांगी।”



कैने दा गुस्सा सांत नीं होण्या। कुच्छ बगते  
बाद तिन्हीं दरबडे च हाबिले पर हमला कित्ता  
कने तिसियो मारी दिता।





परमात्मैं कैने नैं गल्ल किती। “तेरा भाऊ  
हाबिल कुत्थु ऐ?” कैने झूठ गलाया, “मिन्जो  
नीं पता, क्या मैं अपणे भाऊये दा चौंकीदार  
ऐ?” परमात्मे कैने दी खेती  
करणे दी काबिलियत वापस  
लेई करी तिसियो सज़ा दिती।



कैन यहोवा परमात्मे दे सामणै ते चली गेआ।  
तिसदा ब्याह आदम कने हच्चा दिया इक्की  
कुड़िया नैं होएया था। तिसदा इक्क  
परवार होएया। बड़ी तौली, कैने दे  
पोतरू कने

पड़पोतरूयां

नैं सैह सैहर  
भरौई गेआ,  
जिसियो तिन्हीं बणाया  
था।



तिसी बग्त, आदम कने हच्वा दा परवार  
भी बड़ी तौली बधदा गेआ। तिन्हां दिनां  
दे लोकां दी उम्र अज्जे दे लोकां दिया  
तुलना ते मती उम्र हुंदी थी।



जाहलू तिसदा पुतर शेत पैदा होण्या, ताहलू  
हव्वा गलाया, परमात्मैं हाबिले दिया  
जगाह पर मिन्जो शेत पुतर दिता ऐ।  
शेत इक्क धर्मी माणु था जिसदी उम्र

912




साल थी

कने तिसदे  
मते बच्ये थे।



जिआं-जिआं इक्क पीढी दूईया  
पीढिया दे मताबक चलदी गई,  
तिआं-तिआं संसारे दे लोक  
जादा ते जादा  
बुरे हुंदे गो।



आखर च परमात्मैँ मानस जाति जो नाश  
करणे दा फैसला लेआ कने सारे  
जानवर कने पंछि भी। परमात्मा  
पछतांदा था कि तिन्हीं माणुये  
जो बणाया था।



अपर इक्क  
माणु था जिन्हीं  
परमात्मैँ जो  
खुस कित्ता ...



एह माणु नूह था। शेते दा वंश, नूह धर्मी  
कने बेकसूर था। सैह परमात्मे सौंगी चलेया।  
तिन्हीं अपणे त्रींना पुतरां जो भी  
परमात्मे दे हुक्मां दा  
पालण करणा  
सखाया।



हुण परमात्मै नूह जो बड़े अजीब  
कने खास तरिके नै इस्तेमाल  
करणे दी योजना बणाई।





माणुये दे दुखां दी सुरुआत

परमात्मे दा वचन, बाइबला दी इक्की काहणिया

च पाण्या जांदा ऐ

सृष्टिया दी सुरुआत 3-6

"तेरे वचनां दी समझ मिन्जो जोती दिंदी ऐ।"

भजन 119:130



आखरी



बाइबला दी एह काहणी अहां जो अहां दे  
अनोखे परमात्मे दे बारे च दस्सदी ऐ जिन्हीं  
अहां जो बणाया ऐ कने जेहड़ा सैह चांहदा ऐ  
कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तियो हन  
जिसियो सैह पाप ग्लांदा ऐ। पाप दी सज़ा मौत ऐ,  
अपर परमात्मैं अहां नैं इतणा प्यार कित्ता ऐ कि तिन्हीं  
अपणे इक्कलौते पुत्र, यीशु जो सूत्रिया पर मरणे ताई  
घल्लेया। तांजे अहां अपणे पापां दिया सज़ा ते बची  
सकन। ताहलू यीशु दोबारा जिन्दा होएया कने सुअर्गे  
जो चली गेआ। जे तुहां यीशु पर बसुआस करदे हन  
कने अपणे पापां ते पश्चाताप करदे हन, तां सैह इआं  
करगा जाहलू सैह वापस आंगा कने तुहां सौगी रेंहगा,  
कने तुहां तिस सौगी सदा ताई जिन्दे रेंहगे।



मेरे प्यारे यीशु, मिन्जो बसुआस ऐ कि तुहां  
परमात्मा हन, कने मेरे पापां तांई तुहां माणु बणी  
करी अपणे प्राण देई दित्ते, कने हुण भी तुहां जिन्दे  
परमात्मा हन। करिपा करी नैं तुहां मेरिया  
जिन्दगिया च ओआ कने मेरे पापां जो माफ करा,  
तांजे मैं हुण नौई जिन्दगी पाई सकैं, कने हर दिन  
मैं तुहां सौगी रहूं। तुहां अपणे हुक्मां जो मनणे  
तांई मेरी मदत करा कने मैं अपनी जिन्दगी  
तुहां सौगी जी सकैं। अमीन।

हर रोज बाइबल पढा कने परमात्मे नैं  
गल्तां करा। यूहन्ना 3:16

